

**Historia Pelagiana Et Dissertatio De Synodo V.
Œcumenica In Qua Origenis ac Theodori Mopsuesteni
Pelagiani erroris Auctorum justa damnatio exponitur, &
Aquilejense Schisma describitur**

Noris, Enrico

Patavii, 1708

Cap. 9. Pelagiam in Synodo Epibesinâ cum Nestorio damnati. Episcopos Schismaticos nullum canonem in favorem Pelagianorum statuisse monstratur.

[urn:nbn:de:hbz:466:1-72486](#)

in Synodo, quæ in antiquis codicibus Valentiniano Aug. IV. & Theodosio Conf. coacta dicitur, tūm Aurelius, tūm Genedius utrū una simul Præsides sententiam dicunt, quem tamen conventum celebratum existimat Theodosio Aug. XI. & Valentiniano Cæsare Conf. anno 425. ita scribit vir insignis in Appendixe in calce tom. 10. pag. 951. in addendis ad tom. 5. anno 397. Sed hanc sententiam confutavi libro 1. capite 17. quibus accedit, quod Genethlius, nam ita vocabatur, decessor, non successor Aurelii fuit; Augustinus Epist. 163. ad Elusium inquit: *Iude nescio quomodo ventum est ad commemorationem beatæ memorie Genethlii Episcopi &c.* Itaque objerat Genethlius, cùm illa Augustinus literis mandabat; scripta autem est hæc Epistola non quidem anno 412. cùm Augustinus ad Synodum Cirtam se conferret, ut ad hunc annum Baronius putavit, sed anno 397. cùm Cirtam idem pergeret Fortunatum ejus urbis Episcopum in demortu Profuturi locum consecratus, ut lib. 1. superius notavimus, & patet ex iis, quæ versù finem scribit: *Sed quia, inquit, ordinandi Episcopi necessitas nos inde jamjamque rapiebat, diutius cum illo apud Tuburicum esse nequivimus.* Anno 427. vivebat Aurelius; nam Augustinus lib. 22. de Civit. Dei cap. 8. ait: *Ex quibus Diaconis Carthaginensisibus solus est nunc in rebus humanis jam Episcopus cum honore à nobis debito nominandus Aurelius.* At illum lib. 22. scriptum fuisse circa annum 427. ostendimus lib. 1. cap. 24. Ex Marii Mercatoris libello ad Theodosium colligimus, anno 429. quo libellus ille scriptus fuit, Aurelium adhuc superstitem fuisse. Nam hic Scriptor laudans Ambrofium, Innocentium, Zosimum, Theodotum, Praylum, eosdem beatæ recordationis, quod objerant, nuncupavit; at de Aurelio non ita loquitur, etenim de Cœlestio verba faciens ait: *Ibi que, scilicet Carthagine, de infrascriptis epistulis apud Aurelium Episcopum memoratae urbis per libellum à quodam Paulino Diacono sanctæ memoriae Ambrosii Mediolanensis Episcopi est accusatus.* Quarè eo anno adhuc in vivis erat Aurelius, qui tamen paulò post decepsit; siquidem ante Pascha anni 431. sedebat Carthaginē Capreolus, cuius literæ in Synodo Ephesinā laudantur par. 2. cap. 9. Hinc videtur decepsisse eodem fortè anno, quo Sanctus Augustinus inter superos relatus fuit, cùm primatum Africae tenuisset annos ferè quadraginta, Donatistis universa ferè Africā exclusis, Pelagianis in pluribus Synodis anathemate percussis, Paganorum etiam templis in Christianæ religionis usum redactis, ac in decem, & septem plenariis ex universa Africā Concilio Orthodoxā doctrinā, ac disciplinā egregiis legibus confirmata. Porrò tantum ab universis illarum provinciarum Episcopis uni Aurelio tributum est, ut in Concilio Carthaginensi Honorio VII. & Theodosio II. celebrato Patres haec eidem dixerint: *Placuit etiam peti- tu omnium, ut Epistolis omnibus de Concilio dandas San-ctitas tua sola subscribat.* Aurelius in Epistola Bonifacii II. nomine publicatā acriter reprehenditur, quod appellatioibus transmarinis sese opposuit, sed memoratas literas esse suppositicias notavimus lib. 1. cap. 17. Nam Aurelius, Augustinus, aliique appellationes in causis fidei admisere, in illis enim supremum judicium in Romano Pontifice esse cognoscēbant, ut ibidem probatum est, quod etiam egregio Sancti Doctoris testimonio Epist. 162. obiter confirmatur, ubi Donatistas Melchiadis sententiam latam in favorem Cæciliani Carthaginensis in Africā à LXX. Episcopis damnati repudiantes veluti Eccle-

sisticarum rerum ignaros his verbis increpat: *An for- tè non debuit Romane Ecclesiæ Melchiades Episcopus cum collegis tran'marinis Episcopis illud sibi usurpare judicium, quod ab Aþbris septuaginta, ubi Primas Ti-sigitanus presedit, fuerat terminatum?* Et hæc de Aurelio Carthaginensi.

Num Pelagius tribus laudatis Patribus, quos acer- rimos hostes expertus est, superstes fuerit, mihi planè incomptum fateor; ille enim dudum à Praylo Hierosolymā ejectus obscuro exitu vitæ finem impo- suit. Cœlestium anno 427. adhuc in vivis fuisse li- quet ex Mario Mercatore, qui in Commonitorio ad Theodosium Imperatorem hæc scribit de Cœlestio: *Sic Epistolam quandam Zosimi benignitiae plenam ad Afros Episcopos meruit, quâ ille abusus est, vel adhuc ab- uitur ad multorum ignorantium deceptionem.* Quo te- stimonio rejiciuntur ii, qui cum Joanne Latio lib. 1. de Hæresi Pelag. cap. 4. putarunt, eas Zosimi literas pro Cœlestio ad Africanos datas factitias esse. In præ- fatione autem ejusdem Commonitorii hæc leguntur: *Per quod Commonitorium cognito funestissimo errore im-periali precepit tam Julianus defensor, & sequax ejus, cum ceteris sociis, & participibus suis, quam postea idem Cœlestius de Constantinopolitanā urbe detrusi in Sy- nodo quoque Ephesensi CCLXXV. Episcoporum intentiā postmodum in præsenti damnati sunt.* Quibus Marius Mercator significat, post Pelagianos Ex-episcopos anno 430. Constantinopoli ejectos, Cœlestium quo- que ex eadem regiā urbe detrusum antè celebratam anno 431. die 28. Junii Synodum Ephesinam. Nulla deinceps Pelagii, vel Cœlestii mentio in veterum monumentis invenio; illi enim igni, aquâque interdi- ti, miseri, extores ubinam latitarint, quovè anno deceperint, ignoratur. Libros, quos superbi illi divina gratia hostes scripsero, sparsim in hoc opere indicavimus, eorumque elenchum exhibet Vossius lib. 1. Hist. Pelagianæ cap. 4 & 5.

C A P U T IX.

Pelagiani in Synodo Ephesinā cum Nestorio damna- ti. Episcopos Schismaticos nullum canonem in favorem Pelagianorum statuisse monstratur.

Utrà promissa extendere opus fortè videbor, *Anno 431.* cum Historiâ de gestis, & scriptis Sancti Au- gustini adversus Pelagianos unâ cum ejusdem Sancti Doctoris vitâ ad finem perductâ ea prosequor, quæ in hac ipsâ Pelagianorum causâ post sanctissimi Magistri obitum integro sæculo evenere. Sed quicunque attentiori curâ considerabit, id bellum unius Augustini armis esse ab Ecclesiâ profligatum, id à me jure factum dicet, qui de Augustinianis scriptis narratio- nem institui. Imò longè majori gloriae vertitur, vel mortuum Augustinum novis subinde cladibus hosti- bus fugatis continua Catholicæ religioni trophyæ erexisse, quam superstitem toties de eisdem triump- phasse. Mortuo Augustino Pelagiani in Oriente, Se- mipelagiani in Occidente novas res moliri, meliora sperare, & securius loqui. Etenim Pelagiani Nesto- riu novum, atque affine dogma de Christo docenti suspectias tulerant, à cuius laterè Imperatoris decreto avulsi de proximo consilia ministrabant. Theodosius quod exortos in Oriente tumultus componeret, per Petronium virum clarissimum cum Cœlestino Pon- tifice egit de Synodo Oecumenicâ cogendâ, quo an- nuente Synodum ad festum Pentecostes anno 431. Ephesum indixit. Porrò cùm Theodosius adhuc in vivis

in vivis esse Augustinum putaret, tantum virum Synodo perneccularium ad eandem acciendum duxit delinato ad id munera Ebagnio Magistrano, qui ubi Carthaginem cum sacris divalibus appulit, à Capreolo, qui in Aureli locum successerat, intellegit, Augustinum obijisse, datisque eidem Imperatoris literis re infectâ Byzantium revertitur. Scriptores Augustiniani regia Epistolæ exemplum producunt prorsus apocryphum; Etenim illæ literæ dicuntur data IV. Idus Augusti Coss. Ballo, & Antiocho, cùm tamen Synodus mensis Junio ejusdem anni celebranda foret. Curtius, ac Torellus Consules tantum ponunt mensem, quo literæ scriptæ sint, omittentes. Sed cùm literæ pro Synodo cogendâ ad Cyrilum data sint XIII. Kal. Novemboris anno 430. itemque sacra imperatoria eodem mense ad omnes Episcopos emanarit, dubiæ illæ literæ videntur Consules anni 431. præferentes. At cùm Ebagnius Carthaginem tantum circa Pascha venerit telle Capreolo in literis ad Synodum, rectius fortè videri poterunt emissæ incunte anno eodem 431. de quo nolo cum quopiam contentiois funem ducere; Aliud tamen earum fides in dubium revocatur. Omitto enim stylum humilem, & abjectum, nec Theodosianas literas redolentem, id enim interpreti vitio deputetur, ex ipso contextu redarguantur; hæc enim ab Imperatore scripta leguntur: *Decrevimus ad S. D. N. Cœlestinum totius Ecclesiæ Antistitem scribere, concilium cogat observato antiquitat more, & ut nostrum peccatum agnoscet, rogavimus, eligeret, quam volet nostri imperii civitatem, & cum Episcopis definit, quæ nos fecuturi sumus omnes inferiores. Ad ipsum tanquam primarium pertinet omnibus adhibere remedium, mihi restat, qui filius sum & Ecclesiæ ipsi deservire &c.* Hæc quidem viri eruditæ, atque antiquitatis studiosi illius sculpi stylum sapere negabunt, sed paucis illius Epistolæ dicta falsitatem convinco. In primis ille titulus eorum temporum Epistolis non addebat, non enim Imperatores Pontificem Sanctissimum Dominum nostrum appellabant, imò Pontifices ita literas claudebant: *Dominini nostri Imperatoribus Coss. ut in literis Zosimi, aliorumque passim legitur.* Rursus non Pontifex, sed Imperator sacrâ divali Synodum indixit, ita ipsa Synodus ad Cœlestinum Papam scribit: *Quia vero neceſſe est, ut omnia, quæ consecuta sunt, Sanctitati tua significantur, non potuimus non scribere secundum omnium nostrum Salvatoris Christi voluntatem, piissimorumque, ac Christi amantium Imperatorum nostrorum sanctionem ex multis, variisque provinciis Episcopos supra CC. in Ephesiorum Metropoli nos convenisse.* Postea: *Cum pia Christi amantium Imperatorum edita, per quæ fuiimus evocati, tempus Sancti Synodi confessi præscriberent diem Sancta Pentecostes &c.* Quin imò hoc ipsum testatus est Cœlestinus in Epistolâ ad Theodosium: *Huic cœlesti curæ, ait, vel glorie uniusquisque nostrum pro Sacerdotali officio operari nostram in quantum valimus impendimus, & huic Synodo, quam esse iussisti, nostram presentiam in his, quos misisti, exhibemus.* Epist. 9. apud Binium. Locum vero Synodo deputatum non à Pontifice, sed ab Imperatore ex his ipsis Theodosii verbis in Epistolâ ad Orientales deducitur. Deputarimus enim, inquit, Ephesiorum civitatem terrâ, marique accessu per Romanodam. Sanctus Leo Epist. 23. ad eundem Theodosium pro abrogâ latrocinali Synodo Diosecri scribit: *Generalē Synodum jubeatis intrâ Italiam celebrari.* Pro quâ re etiam ad eundem literas dedere

Valentinianus Augustus; ejusque soror, atque uxoris, quibus tamen Theodosius male consultus aures non dedit. Illo autem anno sequenti defuncto licet Marianus Imperator Leoni obediens concilium cogi contensit scribens ad eundem, errorem Eutychetis auferendum per celebrandam Synodum te auctore, noluit tamen eandem intrâ Italiam cogi, sed scriptis, se sacras missurum, ut ad quendam definitum locum, ubi nobis placuerit, omnes Sanctissimi Episcopi debeat convenire. Ha literæ leguntur artè actionem primam Synodi Calchedonensis. Cetera verò quam parum congruant cum actis cā in causâ à Theodosio nullus non videt; hic enim falsa Candidiani Comitis relatione deceptus acta Synodi rescidit, ac Cyrilum Sedis Apostolicæ legatum custodiæ tradendum præcepit, eumque unā cum Memnone Episcopo Ephesino dignitate privavit, licet re postea melius cogitâ sententiam hanc revocari. Ipsemet Cyrilus hosce titulos suis literis ad Synodum apposuit: *Sanctæ Synodogratiæ Dei, piissimorumque & Christianissimorum Imperatorum decreto in hac Ephesiorum metropoli congregata.* Sed tempus fortè in his plus justo absumo. Ut sit de his literis, constat tamen Theodosium per Ebagnium Magistrianum data ad Augustinum Epistolâ eundem Ephesum invitasse, quam Capreolus mortuo jam Augustino legit, ut ipsomet in Epistolâ ad Synodum affirmat: *Domini, inquit, & filii nostri religiosissimi Theodosii Imperatoris literæ hujusmodi erant, quæ felicis recordationis fratris, & Coepiscopi nostri Augustini præsentiam peculiaritatem inflagabant. Verum quod ea illum jam tum & viris excessisse compreserint, ego eam illam insinuationem, licet ad prædictum Augustinum destinata fore, excipere compulsius &c. par. 2. Synodi Ephesinæ cap. 9.* Eadem tradit Liberatus Diaconus Carthaginensis cap. 5. Breviarii. Verum Sanctus Doctor jam sapa Nestorianam hæresim suis scriptis confutarat, ut patet ex lib. de Prædest. Sanct. cap. 15. & de Dono persev. cap. 24. (quos libros jam Nestorio tumultus ciente conscripsit) & in Enchiridio cap. 40. quod opus statim post damnatos Pelagianos emisit, imò in Epistolâ, seu libro ad Dardanum antè Pelagianorum damnationem scripto, quos etiam nondum nominatum impugnabat ex 2. Retr. c. 49. quærens an sit aliqua differentia alia præter ibi assignatas inter Christum, & ceteros sanctos ait: *Est plane, quod singulare quadam suspicione hominis illius una facta est persona cum Verbo, de nullo enim Sanctorum dici potuit, aut potest, aut poterit, Verbum caro factum est.* Plura in eandem rem adducens, sacrilegam Nestorii sententiam aperte detestatus: *Quis enim, inquit, tam si sacrilegus, ut audeat affirmare, aliquam posse amam per meritum liberi arbitrii, ut alter sit Christus, efficere?* Hæc quidem antè annum 418. scriptis, imò, & antè annum 410. in literis ad Gallicanos Episcopos de Leporii palinodiâ eandem hæresim prædamnaverat, ut lib. 1. cap. 23. narravimus; Nestoriana autem hæresis Orbi innotescere ceperit die 10. mensis Aprilis Coss. Felice, & Tauto, qui fuere anno 428. dicente pro concione Anastasio ejusdem Nestorii consiliario: *Dei genitricem nullus dicere præsumat, quoniam Maria homo fuit, & Deum ab homine generari nimis est impossibile;* ex quibus verbis à Nestorio acris propugnat hæresis exordium habuit. Legatur Liberatus Diaconus Carthaginensis in Brev. cap. 4. Sed ad Synodum Ephesinam redeo. Nestorius, quod maturato ad Synodum itinere cause securitatem ostentaret, paractis Paschalibus sole-

solemnis magnâ ceterâ comitante Ephesum se contulit. Adsuere inter primos comites Julianus, Florus, Orentius, aliique Episcopi Pelagiani, quod ex Cœlestini Papæ literis patet: *Adfuerunt*, inquit, nec deseruerunt eum Cœlestiam iniurias operarii &c. *Habuit ergo secum sui Magistros exilio, habuit hujus rei perfectos tyro Doctores*, nam separare difficile est, quos scelerâ junxerunt, quia maiore ligantur glutino fædera vitiorum. Cum Cyrillus Alexandriae Præsul cum maximâ Patrum multitudine Ephesum venisset, nec Joannes Antiochenus cum suis Orientalibus adveniret itinerum difficultatem causatus, Synodus cœpta est. Nestorius cum Cyrilum, aliosque Patres contra se stare intelligeret, licet ter vocatus cum reliquis interesse noluit, imò paulò post Epheso discessit, quarà à Patribus lata in ipsum sententia est, atque hæresis damnatus. Pelagianos eundem comitatos fuisse ex Cœlestini Papæ verbis deduco in Epistolâ contrâ Nestorium, quam suprà laudavi. *Adfuerunt*, inquit, nec deseruerunt eum Cœlestiani iniurias operarii. Interim advenit Joannes Antiochenus, qui Cyriillo indignatus, quòd se, suisque Orientalibus inexpectatis Nestorium condemnasset, adhuc ex itinere pulvrenitus cum 40. ferè Episcopis acta Synodi rescindit, Cyrilum, & Memnonem sacrâ interdicit, damnat duodecim capitula Cyrillicâ Patribus nuper approbat, atque horum confirmationem ab Imperatore furtim impetrat, quæ postea Princeps re melius intellectâ revocavit, ac Synodo accessit. Porrò illi Episcopi quadraginta, trigintaquinq; postea remansere, ut colligatur ex relatione Synodi ad Theodosium per Palladium Magistrorum missâ. In actis Synodi par. 4. cap.. 7. & 9. nominatim omnes damnantur: lege Liberatum Diaconum cap. 6. Breviarii. Et quidem isti facto schismate sèpè simul convenerunt, legatos cum literis ad Imperatorem miserunt, aliaque permulta moliti sunt, quæ in actis Pseudo-Synodi Ephesina leguntur.

Porrò ubi Legatis Sedis Apostolicæ gesta Romæ adversus Pelagianos Synodo expouere, à Patribus uno ore Pelagianorum damnatio conclamata est, testatur hoc ipsa Synodus in fine Epistolâ ad Cœlestinum Pontificem. *Caterum ubi leeti sunt in Sanctâ Synodo commentarii de depositione impiorum Pelagianorum, Cœlestii, Pelagii, Juliani, Persidii, Flori, Marcellini, Orentii, & reliquorum eadem cum ipsis sentientium, judicavimus, & nos solida, & firma permanere debere, quæ à pietate tua sunt decreta, sumusque omnes eiusdem sententia.* Ex quibus Cœlestinum contra Pelagianos decreta publicasse intelligimus, quæ tamen temporum injuriâ interiere. Sancivit etiam Synodus duos canones contrâ Pelagianos, qui Cœlestiani eo in Concilio nuncupantur, quòd Cœlestius apud Ephesum Presbyter consecratus longè Pelagiò notior ibidem cum sectoribus evaserat. Canones autem leguntur post decretum Synodi contrâ Orientales ad totius Orbis Episcopos transmissum, quorum quartus his planè verbis conceptus fuit: *Si qui autem Clericorum defecerint, & ausi fuerint vel privatim vel publicè Nestori, Cœlesti, & sequi dogmata, sanctum est à Sanctâ Synodo, istos quoque depositos esse.* Ita Hæresis Pelagiana anno undevicesimo postquam in Africâ primùm damnata fuit, in Asiam ab Oecumenico Concilio proscripta est, longisque Pelagianorum votis satisfactum, qui Synodum damnati passim, & ubique appellabant; undè Cœlestinus in literis ad Synodum datis Idibus Martii anno 432. *Quod loqui-*

mur, inquit, Cœlestianorum teſtantur exempla, quòd ſpem de Synodo hucusque geſerunt. Legatur Augustinus in calce libri quarti ad Bonifacium contrâ duas Epistolâ Pelagianorum.

Inter acta Synodi hujus Ephesina legitur canon totus Pelagi hæresim docens, ut observarunt Baronius, ac Jansenius ex Sancto Gregorio Papâ lib. 7. Epist. 47. ad Anastasium Antiochenum ubi ait: *Illa enim Synodus, quæ sub prima Ephesina imagine facta est, quædam in ſe oblata capitula aſſerit approbata, quæ ſunt Cœleſtii, atque Pelagi prædicamenta.* Quarà Baronius anno 431. Num. 76. quem sequuntur Jansenius, Vossius, Uſſerius, aliique omnes, ait, illum canonem editum fuisse a Joanne Antiocheno in gratiam Episcoporum Pelagianorum, qui illius factioni ſe ſe adjunxerant; canon autem apud Sanctum Gregorium lib. 6. Epist. 3. 1. ad Eulogium talis eft: *De Ad animâ, quia in peccato mortua non fuerit, eò quòd Diabolus in cor hominis non ingrediatur, & si quis hoc dixiſet, anathema eſet.* Cœleſtianos, ſeu Pelagianos Episcopos unâ cum Joanne Antiocheno, & Schismaticis Orientalibus Conciliabulo adfuſſe probant illi Scriptores ex Epistolâ Cyrilli, & ex literis Sanctæ Synodi, in quibus hæc leguntur: *Sunt autem cum illis, nempe Schismaticis, etiam Pelagiani, & Cœleſtiani, & ex illis quidam, qui ex Thessaliâ ſunt ejeci; quare Joannes Antiochenus, reliquie Schismatici, quòd egregiam ſibi operam Pelagiani Episcopi naſſent, ut gratiam aliquo pacto rependerent, canonem Pelagianæ doctrinæ conformem edidere.* Hæc quidem illorum sententia eft.

Verum falli eos Auctores non dubiis argumentis ostendam. Certum in primis eft, Joannem Antiochenum noa admisſe ad suffragia ferenda in ſuo Conciliabulo eos Pelagianos, qui Nestorium ſecuti fuerant, nempe Julianum, Florum, Orentium. Perfidiū, alioque, in quo illi Scriptores hallucinati ſunt; nam initio quadraginta, & amplius Episcopi Joannis Conciliabulum ſubſcripſere, quorum nomina in actis recenſentur, nullusque Pelagianorum nominatur. Rursus cum à Sanctâ Synodo in relatione ad Theodosium per Palladium Magistrorum missâ trigintaquinq; Episcopi Schismatici nominatim reſcenſeantur, nullus inter eos Pelagianorum cernitur, quod iſum in literis Synodalibus, in quibus damnantur Orientales, ostenditur. Quid evidentius adduci potest ad probandum, nec Julianum, nec Florum, cæterosve Episcopos Pelagianos Nestorii comites ſua suffragia in Conciliabulo Joanni Antiocheno commodaſſe? Hoc iſum colligitur ex literis Concilii ad Cœleſtinum, in quibus Patres loquentes de Joanne Antiocheno hæc habent: *Sibi ipſi velut collegium circiter triginta hominum nomen Episcoporum habentium collegit, quorum alijs extorres vagantur, nec ecclesiæ habent, alijs ſep̄ numero gravibus de cauſis à Metropolitanis ſuis deponiti ſunt (ſunt autem cum illis etiam Pelagiani, & Cœleſtiani, & ex illis quidam, qui ex Thessaliâ ſunt ejeci &c.) ex quibus Pelagianos non inter illos triginta, ſed potius illorum triginta comites, vel adſtipulatores eſſe deducimus, aliaſ cur unâ cum illis triginta Episcopis Conciliabuli acta non ſubſcripſere?*

Sed neque illud dici potest, Episcopos Orientales, qui pro Antiocheno contrâ Cyrilum conſpirarunt, Pelagianâ hæresi infectos fuiffe. Nam cum absolute Synodo Antiochenus obſtinato contrâ illam animo diſcessiſſet, iterumque cum iſdem Episcopis Antiochiae Cyrilum ſacrâ interdixiſſet, acceptis minacibus

nacibus literis Theodosii ab Aristolaō Tribuno de-latis, quibus illi, & Cyrillo, si quām primū non conveniissent, exilium indicebatur, fidei suæ Sym-bolum texuit, quod cæteri Episcopi Antiochiam vo-cati subscripte, ac pér Paulum Episcopum Emis-senum ad Cyrillum perferendum curavit, in quo sa-nè symbolo, quod in actis Concilii Ephesini legitur, & recitatur à Liberaō cap. 8. nisi de Christo Domi-no verba facit, altumque de controversiis Pelagianis silentium. Porrò Sanctus Cyrillus eo symbolo lecto, Catholicum Joannem cum cæteris suis Orientalibus pronunciavit, datis de hac ipsâ re ad amicos literis. Valeriano Iconii hæc scriptis: *Universi Orientales Epis-copi simul cum Domino meo religiosissimo Antiochenorum Episcopo Joanne per scriptam, manifestanque conditio-nem clarum constituere universis, quoniam pollutas qui-dam Nestorii novitates condemnant, anathematizant que nobiscum; quod ipsum ex suggerito publicè in Ale-xandrina templo testatus fuit.* At si Joannes, & colle-gæ Pelagiana dogmata propugnassent, mancum fidei symbolum edidisset, neque Catholici pronunciarū à Cyrillo debuissent, nisi etiam Cœlestii errores scrip-to damnassent. Hinc cùm Synodus de illis trīginta schismaticis Cœlestino scripsisset, non eos quidēm dignitate privatos, sed Ecclesiasticā tantum commu-nione exclusos, rescriptis Cœlestinus: *De his autem, qui cum Nestorio ridentur pari impietate sensisse, atque sesocios ejus sceleribus addiderunt, quanquam legatur in eos nostra sententia, tamen nos quoque decernimus, quod videtur; Multa a prospicienda sunt in talibus causis, quæ Apostolica Sedes semper aspergit. Quod loquimur Cœlestialium testantur exempla, quod spem de Synodo hu-cisque gesserunt.* Quibus Pontifex diversam Ori-en-talium, & Cœlestianorum causam declarat, neque in Orientalium depositionem consentit, sed tempus resipiendi tribuit, cùm tamen Cœlestianis hanc in-dulgentiam non exhiberet, eos enim solum vertere coegerat.

Sæc Orientales irati Cyrillo, quid capitula illa duo decim exarasset, quæ dein Synodus sequeretur, eisdem reluctabantur, quasi Cyrus unus Concilio-rum Magister haberi vellet. Hinc latæ contrâ Nestorium sententiæ nomina addere recubabant, unde Cœlestio ne dum Nestorio patronos semper præbere videbantur, ex quo ea nata suspicio est, Nestorianos eos esse, vel Cœlestianos: Ecce verba Synodi in Epis-tolâ ad provinciarum Episcopos: *Cum primis Nestorii, & Cœlestii sententiæ sequi manifestè sunt ex eo depre-hensi, quod Nestorium nobiscum condemnare voluerunt.*

Utraque pars tum Cyrilli, tum Joannis Antioche-ni communionem cum Cœlestianis fibi invicem ex-probrabat, quid adversarios in hominum detestatio-nem, atque odiā traheret. Cyrillus loquens de Joanne Antiocheno ait: *Cum vix curri desiliisset Joannes, cubiculumque ingressus esset, adhuc pulvulentus sen-tentiā puritam, & stultam cum iis tulit, quos con-sentientes habebat. Erant autem vivi agrestes, & Cœlestia-ni depositi, & qui Nestorii dementiam tuebantur: In Epistolâ ad Cœlestinum.* Porrò hanc eandem cal-uniam Cyrillo Schismatici inurebant, ut ex eorum literis ad Rufum Thessalonensem patet, quæ in Conciliabulo Ephesino leguntur: *Sed nec istud, ajunt, Sanctorum tuam prætereat, Cyrillum, & Memnonem non contentos fuisse, Orthodoxam fidem corrupisse, ve-rum omnes quoque canonicas sanctiones proculari-sse, pan qui a diversis diaconibus, atque provinciis excommuni-catione percussi fuerunt, illos ipsis statim in communio-nem receperunt. Alios præterea de diversis etiam here-*

*sibus accusatos eadem sententes cum Cœlestio, & Pe-la-gio (Embitæ enim sunt, seu Euthusiastæ) & ob id à suo Diæcesano, vel Metropolitano excommunicatos Ec-clesiasticæ disciplinæ contempta communioni restituerunt. Hanc quidem ab Orientalibus de Cyrillo calumniam falso diffamatam adeo certum est, ut à nullo in du-bium id vocari possit, etenim Cyrillus cum Catholi-cis Pelagianos damnavit. Illa verò quæ Cyrillus de Orientalibus publicabat, quid Cœlestianos in com-munionem admitterent, non per calumniam quidem scripta sunt, sed ex suspicione concepta, tūm quid Pelagiani tanquam Nestorii excubitores advenerant, tūm quid Orientales eidem Nestorio favere videban-tur, & si qui aderant Pelagianorum, eos ad colloquia admitebant, ex quibus tamen non fit, Orientales posse à quopam tanquam Pelagianâ hæresi infectos traduci, cùm nunquam Pelagianos ad ferenda secum suffragia admiserint, ac Cyrillum insamaturi eundem communicati cum Pelagianis consiliū accusaverint, quæ aperte demonstrant, Orientales damnasse non modò Pelagianorum doctrinam, verū etiam personas, & nisi ex suspicione collusionis cum Cœlestio accusatos fuisse à Catholicis, quod ex suprà datis Synodi verbis non obscurè colligitur. Rejiciendus planè est Ricciolius, in cuius catalogo Præsumul Antiochenorum par. 1. tom. 3. Chronol. ita legitur: *Joannes Hæreticus 427.* Fuit enim Joannes Orthodo-xus, ut datis ad eundem literis Sixtus Papa, Cyril-lus, ac Proclus ostendunt. In Synodo Calchedonensi act. 16. his encomis ornatur: *Sapientissimus Joannes Antiochenus Episcopus, qui hæreticorum maledicta repellens, & Apostolica doctrina rectissimum dogma declarans totius Orientis confessionem velut ex uno ore Sanctissimo Proculo, & ei, qui per idem tempus mundi regebat gubernacula, destinari.* Videatur Libera-tus cap. 10. Breviarium.*

Hic tamen Vossii insignis scriptoris, itemque Claudii Menardi, cuius operâ duos priores libros Operis Imperfeci contrâ Julianum ab Augustino ex-aratos primum obtinuimus, sententia rejicienda est. Menardus cùm in actis Synodi Ephesina p. 4. cap. 7. itemque cap. 9. inter schismaticos à Patribus fidelium communione privatos Julianum Episcopum legerit, hunc Julianum Pelagianum esse contendit. Vossius verò lib. 1. cap. 6. Hist. Pelag. cùm à Schismatico-rum legatis in Epistolâ ad Rufum par. 3. cap. 13. Ju-lianum nominatum viderit præsentem tunc Ephesi, ac vocatum ab eisdem piissimum, ac Sanctissimum Eri-dice Episcopum, hæc subdit: *Nec dubitamus, quin idem sit, qui Campanus antea fuerat Episcopus; additque: Julianum Campano per imperiale editum Episcopatu de-fectum ad Asiaticos confugiisse, atque ab his seu verum veri Episcopatus Eridicensis honorem, seu titulum saltem honoris ergo consecutum.* In primis Menardi dictum refellitur; quoniam Julianus, qui excommunicatio-nis sententiā inibi subit, erat Episcopus Larissæ, nam part. 3. in quâ Schismaticorum apud Ephesum acta recensentur, cap. 2. post Metropolitas inter mi-nores Episcopos subscriptibit: *Julianus Larissæ Episco-pus.* At hic erat Asiaticus Episcopus, nam in Synodo Calchedonensi act. 1. inter acta Ephesini latro-cinii sub die IV. Idus Augusti nominatur *Meletius Larissæ Syriae*, qui tūm ibi, tūm in Synodo Calchedonensi locum tenuit Domini Metropolitæ secundæ Syriae; passim verò in hujus Concilii subscriptioni-bus legitur *Vigilantius Larissæ Thessaliae*. Lege ini-tium act. 6. Tempore Synodi Ephesina Larissæ in proviñiâ Thessalica erat Episcopus Basilius, qui cum

cum Schismaticis sentiebat, & par. 3. cap. 2. dicitur: *Basilius Thessalica Metropolitanus. Larissæ verò Se- dem fuisse Metropolitanam Thessaliam patet ex sels. 2. Synodi Romanae sub Bonifacio II. abi in literis trium Episcoporum ad Bonifacium hæc leguntur: Sanctæ Larissæ Ecclesia, quæ est Metropolitana civitas provin- ciae Thessaliae. Ad hunc Basilium Larissæ Metropo- politam habentur literæ Cœlestini edita ab Holste- nio cum laudatâ Synodo Romanâ. Julianus ergo Pelagianus non erat Episcopus Lerissæ in Thessaliam; alter verò Julianus erat ex provinciâ Syriæ secunda, qui suo Patriarche Antiocheno contrâ Cyrilum cum Orientalibus adhærebat. At Vossio nova hæc civitas Eridica persuaderi forte potuit ex his verbis Schismaticorum in literis ad Rufum Thessalonicensem par. 3. cap. 13. Siquidem ex literis, quas pietas tua ad Julianum piissimum, sanctissimumque Eridicæ Episcopum perscrispsit, aliud te statuisse haud omnino obscure cognovimus. Motes hic autem piissimum illum Episcopum, & quidem serio mones, ne profidei, quam Beati Patres Nicani exposuerunt, defensione, ullum omnino labore, aut molestiam detrectet &c. Neque is segniter, qui accepit, literarum consilium exequi hac- tenus contendit. At hunc Julianum non esse illum Pelagianum indè evidenter constat, quod Rufus Apostolicæ Sedis per Illyricum Vicarius Julianum tamque hereticum, ac fidelium communione pri- vatum minimè per literas convenisset, aut fidei tu- telam Hæretico infami commendasset. Quantum Rufus Pelagianos detestaretur ostendimus libro 1. cap. 19. Certè in hac ipsâ Synodo per Flavianum Philipensem Legatum nominatum Julianum cum aliis Episcopis Pelagianis damnavit. Laudanda est cor- rectio Lucæ Holstenii, qui in notis ad Synodum Ro- manam memoratam pag. 285. ubi de Cœlestini Epis- tolæ titulo verba facit, librariorum mendum advertit, qui pro tuis Scriptis Ecdissimis pro Ser- dicâ Eridicam reddens. Ille enim Julianus erat Metropolita Serdicæ in Daciâ mediterraneâ, ad ad quem extant literæ Theodosii Imperatoris par. 3. cap. 15. in titulo inscriptæ post alios Metropolitas: Juliano, Basilio, Illyrianis Metropolis; iidem etiam nominantur in titulo Epistolæ Cœlestini ad Episcopos per Illyricum, quæ num. 13. in Synodo Bonifacii II. recitantur. Hinc Schismatici in Epis- tolâ memorata, quod plurimorum suffragia pro se venditarent, inter reliquos Episcopos eos etiam publicarunt sibi favere, qui Daciam inhabitabant, Julianum Dacorum Metropolitanum intelligentes. At cum nusquam inter schismaticos, quorum catalogus sepè ibi recitat, idem commumeretur, vana, ac ficta de eodem Juliano eosdem scriptisse non dubito; quem tamen, cum neque inter Patres legitimi Con- ciliï legam, puto eundem dubium, in quam partem transiret, universâ urbe Episcoporum dissensioni- bus turbatâ, neutri parti nomen dedisse. Atque hæc contraria dicta apud Ephesum à Vossio Juliani Pelagianistæ Episcopatum dicta sufficiant.*

Illud hic occasione literarum Theodosii Impera- toris, in quibus Julianum Serdicæ Metropolitam nominari diximus, quærendum occurrit, cur ea- runderum literarum titulus insigniores Episcopos re- censens ita incipiat: Cœlestino, Rufo, Augustino, &c. nam Augustinus anno superiore objerat. Certè Epis- tola Imperatoris scripta est ad minus mense Julio un- decimo mense ab obitu Sancti Doctoris; scribit enim Imperator, probare se peractam apud Ephesum Nesto- ri, Cyrilli, ac Memnonis exauctorationem; at

Nestorius die 22. Junii depositus fuit, ac quinto posteâ die eadem sententia à Schismaticis lata est contrâ Cyrilum, ac Memnonem. Respondeo nondum Constantiopolis innotuisse Augustini ad superos transitum; Africa enim non ad Orientale Theodosii, sed ad Occidentale Valentiniani imperium specta- bat, unde Africæ res minis Constantinopoli note- erant. Quarè dictator Epistolæ hanc ipsam inscrip- fit non his tantum, qui reapsè in Ephesinâ Urbe Sy- nodum agebant, quamvis latam ab ipsis contrâ tres illos Episcopos sententiam se probare Imperator scri- bat, sed eorum nomina repetivit, ad quos Impera- tor sacram ad concilium evocatoriam miserat, quos inter fuit Sanctus Augustinus, ut ex literis Capreoli ad Synodum colligitur. Certè neque Cœlestinus Papa, neque Rufus Thessalonicensis, neque Rem- bulus, alias Rabulas Edessenus, aliquie, qui ibi- dem cum Augustino nominantur, interfueru Syno- do Ephesinæ. Illud tamen Augustino gloria ver- titur, quod idem in literis imperatoriis post Roma- num Pontificem, ac Rufum Apostolicæ Sedis per universum Illyricum Vicarium perpetuum, antè reliquos Metropolitas nominatur: tantum illi hono- rem ob eximiæ cruditionis, ac sanctitatis famam Theodosius deferendum decrevit.

Orientalibus à Pelagianæ heresos notâ vindica- tis, quid de canone illo Pelagiano, quem Gregorii Magni testimonio in Schismaticorum actis legi Baroni- nius, aliquie scriperunt, dicendum sit, paucis exponam; profectò evincam, canonem illum ab iis- dem Orientalibus nequam procusum fuisse, nec hujus dicti alterum à Gregorio testem dabo, qui lib. 6. Epist. 31. ad Eulogium Orientales, qui cum Joanne Antiocheno contrâ Cyrilum stetero, ab omni Pela- gianismi suspicione absolvit; etenim postquam dixit, transmissas sibi fuisse definitiones veluti ab Ephesinâ Synodo assertas, quarum una erat: *Ad animam peccato non esse mortuam, quoniam diabolus in cor ho- minis non ingreditur*, hæc scribit: *Quia ergo perscrutan- tes Ephesinam Synodum nihil in eâ tale invenimus con- tineri; de Ravennati quoque Ecclesiâ vetustum valde co- dicem ejusdem Synodi ad nos deferri fecimus, & ad Sy- nodum, quam habebamus, eum ita concordare inveni- mus, ut in nullo dispareat, & nihil aliud continet in definitione anathematis, & reprobationis, nisi quod duodecim capitula beatæ mem. Cyrilli reprobant. En- apertissimè testatur Gregorius, Orientales Schis- maticos nihil Pelagiano simile dogmati docuisse, sed tantum anathemata publicasse contrâ duodecim Cy- rilli capitula, quæ etiamnum ex actis conciliabuli Schismaticorum patent. Et ut verum fatear, scrip- tores, quos impugnamus, Gregorii sensum mini- mè assecuti sunt; hic enim non scribit in eâ Epis- tola seu ad Eulogium, seu ad Narsen Comitem, canonem illum Pelagianum Ephesi ab hæreticis, vel à Schismaticis insertum, sed ait, quendam Pelagianum acta Synodi suis annotationibus correxisse, & dictum catholicum Ephesinæ Synodi expunxisse ad- dito canone Pelagiano. Ut enim intelligatur Epis- tola lib. 6. 31. ad Eulogium, legenda prius est Epistola ad Narsen Comitem lib. 5. Num. 14. In hac scribit Sanctus Pontifex: *Hunc ergo locum (nem- pè cum peccavit Adam, ejus est anima mortua) qui in eodem codice, qui mihi à fratre meo Joanne Episcopo transmissus est, annotavit hæreticum, Pelagianus est, quia sententia ista evidenter Pelagi est. At in Epis- tola ad Eulogium scribit: Præterea antè triennium co- gente causa Monachorum Isauriæ, qui hæretici accusa- bantur,**

bantur, satis faciens mibi quondam frater, & consacerdos meus Dominus Joannes literas misit, quibus nitebatur ostendere, eos Ephesinæ Synodi definitionibus contradixisse, & velut ex eadem Synodo certa nobis, quibus ipsis obseruerent, capitula definitavit. Inter alia autem scriptum illuc continebatur, de Adæ animâ, quia in peccato mortua non fuerit, eo quod Diabolus in cor hominis non ingrediatur, & si quis hoc dixisset, anathema esset. Ille verò codex transmissus à Joanne Patriarchâ Constantinopolitano non erat codex continens acta Synodi Ephesinæ, ut contrariae sententiae auctores existimarentur, sed codex contrà quendam Athanasium Presbyterum ex Epist. 14. ad Narsen. Neque oppositum docet lib. 7. Epist. 47. ad Anastasiū Antiochenum dum scribit: Sed quia ex annotatione hereticorum codicis, qui ad me ex regiâ urbe transmissus est, agnovi hoc, quod quendam capitula catholica cum hereticis fuerant reprobata, nempe signis, & annotationibus à Pelagiano appositis, de quibus lib. 5. Epist. 14.

His omnibus accedit, Theodotum Patriarcham Antiochenum in Orientalium Patrum Synodo Pelagianos damnasse, ut cap. 4. observavimus; undè Joannem etiam ejusdem immediatum successorem eadem cum Theodoto sensisse non dubito, præsentim cum Nestorius ipse ejusdem Ecclesiæ Antiochenæ Presbyter originale peccatum minimè negaverit, teste Sancto Cœlestino Papa in literis ad ipsum Nestorium datis. Hoc argumento solidè probatur, Orientales Episcopos canonem pro Pelagianis non scripsisse, quos paulò antè in Synodo concordi sententiâ damnaverant. Hac autem à me scripta sunt, ut vel minimam honoris ualitatem Pelagianis Ephesi defuisse monstrarem; in ea enim Synodo tūm à Catholicis, tūm à Schismaticis tanquam humani generis pestis ejecti, non dare suffragia, non causam dicere, non loqui permitti sunt. Orientales enim probè norant, jam illos à quatuor Romanis Pontificibus esse damnatos, expulsi ab Attico Constantinopoli, à pluribus Conciliis Africanis proscriptos, & paulò antè à femet in Synodo à Theodoto Antiochiae habita erroris notatos. Damnata igitur in Synodo Ephesinâ unâ cum Nestorianâ heresi Pelagianâ, Sanctus Prosper vir sanè lepidi, & arguti ingenii utrique hocce epitaphium inscripsit,

E P I T A T H I U M

Hereses Nestorianæ, & Pelagianæ.

Nestorianæ lues successi Pelagianæ,
Quæ tamen est utero progenera meo,
Infelix misere genitrix, & filia nate,
Prodix ex ipso germine, quod peperi.
Nam fundare arcem meritis prior ora superbis,
De capite ad corpus ducere opus volui.
Sed mea diu proles in summa armatur ab imis,
Congrua bellandi tempora non habui.
Et consanguinea post tristia vulnera fraudis,
Aspera conservi prælia sine pari.
Me tamen una dedit vittam sententia letho,
Illa volens iterum surgere, bis cecidit.
Mecum oritur, mecum moritur, mecumque sepulchrum
Intrat, & inferni careoris ima subit.
Quo nos precipites in sua superbia meritis;
Exutas donis, & tumidas meritis?
Nam Christum pietate operum, & mercede volentes
Esse Deum, in capitis fædere non stetimus.
Sperantesque animi de libertate coronam,
Perdidimus, quam dat gratia, iustitiam.

Quique igitur gemina miseraris busta ruina,
Ne nostro exitio consociare, cave.
Nam si, quæ Domini data munera serò fatebor,
Hæc homini credis debita, noster eris.

Sanè decuit consanguineas hæreses eodem iictu, eodemque loco decumbere. Nestorius propè Antiochiam in suburbano Sancti Euprepii monasterio vivere jussus quadriennio ibidem degit. At cùm pessima doctrina peste singulos quoque affaret, Joanne Antiocheno curante Oasim exul deportatus fuit. Erat ea Marmarica urbs in confiniis Egypti. Ibidem vivebat anno 439. teste Socrate lib. 7. cap. 34. ubi de Nestorio ait: Etiamnum depositus, & in exilium actus Oasim incolit. Scribebat autem ista Socrates ex cap. 48. Theodosio Aug. XVII. Cos. Quas postea calamitates ex barbarorum incursione, ac frequenti mutatione exilii justo Dei judicio perpessus fuit, antequam turpi exitu vitam finiret, recitat Evagrius lib. 1. cap. 7. Nestorio ergo intrâ monasterii septa confluo Julianus cum collegis in Italiā reversus quid postea tentarit, inferius exponemus.

C A P U T X.

Cœlestinus Pontifex Sancti Augustini reprobans compescit, ac Pelagianos damnat. Mors ejusdem. Cassianus à Sancto Prospero confutatur. Semipelagianorum ex eodem descriptio.

DUm hæc in Oriente adversus Nestorium gerentur, Semipelagianorum factio in Galliis in 432. dies augebatur. Horum petulantiam postremi duo libri ab Augustino paulò antè obitum ad Prosperum, & Hilarium transmissi non modò non repressant, sed insolentiores quoque in Sanctum Doctorem longè reddiderant; nam pañim Augustinum traducere illis familiare erat, quasi nimio disputandi fervore contrà Pelagium abruptus in pericolos excessus exorbitasset. Quarè Prosper, & Hilarius, qui Augustini libros adversus calumniantium insultationes defendendos suscepserant, non magis de ejusdem, quād de Ecclesiæ totius auctoritate solliciti, cùm per se validissimo tot hostium impetu obviam ire posse diffiderent, Romam ad Cœlestinum Papam profecti novorum Sancti Augustini hostium conatus, insidias, ac consilia eidem exposuere. Cœlestinus de sui quondam amicissimi Antistitis honore anxius gravi rescripto hominum audaciam compressit datis ad Galliæ Episcopos literis, in quibus eisdem acrisu increpit, qui tantum licentia nescio quibus Presbyteris darent: Timeo, inquit, ne connivere sit hoc tacere, timeo ne magis ipsi loquuntur, qui permittunt illis taliter loqui. In talibus causis non caret suspicione taciturnitas, quia occurret veritas, si falsitas displicet. Merito nanque causa nos respicit, si cum silentio faveamus errori. Ergo corr̄plantur hujusmodi, non sit his liberum habere pro voluntate sermonem, definit Ecclesiistarum quietem inquietudo turbare. Postea Semipelagianorum adversus Prosperum, & Hilarium conatus fugillans, totus in Augustini laudes effunditur: Nec tamen, ait, mirari possumus, si hæc erga viventes hi nunc tentare audent, qui nituntur etiam quiescentium fratrum memoriam dissipare. Augustinum sanctæ recordationis virum pro vita suâ, atque meritis in nostrâ communione semper habuimus, nec unquam hunc sinistræ suspicionis saltē rumor aspersit, quem tantæ scientie olim fuisse meminimus, ut inter Magistros optimos etiam